

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10) i člana 3. Odluke o imenovanju Radnog tijela za pripremu prijedloga JPP projekta ("Službene novine Zeničko-dobojskog kantona", broj: 4/21), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 139. sjednici, održanoj dana 27.01.2022. godine, d o n o s i

ZAKLJUČAK

I.

Usvaja se Izvještaj o provedenim aktivnostima i rezultatima Radnog tijela za pripremu prijedloga JPP projekata delegiranih od strane Ministarstva za obrazovanje, nauku, kulturu i sport za period 01.01.2021. - 31.12.2021. godine i čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/22
Datum, 27.01.2022. godine
Zenica

PREMIJER

Mirnes Bašić

DOSTAVLJENO:

1x Ministarstvo za obrazovanje, nauku, kulturu i sport,
1x Ministarstvo finansija,
1x Članovi Radnog tijela, putem Ministarstva,
1x a/a.

*Bosna i Hercegovina
Federacija Bosne i Hercegovine
Zeničko-dobojski kanton
Ministarstvo za obrazovanje, nauku, kulturu i sport
Radno tijelo za pripremu prijedloga JPP projekta*

**I Z V J E Š T A J
O PROVEDENIM AKTIVNOSTIMA I REZULTATIMA
RADNOG TIJELA ZA PRIPREMU PRIJEDLOGA JPP PROJEKATA
DELEGIRANIH OD STRANE MINISTARSTVA ZA OBRAZOVANJE, NAUKU,
KULTURU I SPORT ZENIČKO-DOBOJSKOG KANTONA
ZA PERIOD 01.01.2021 – 31.12.2021. GODINE**

Zenica, januar 2022. godine

IZVJEŠTAJ O PROVEDENIM AKTIVNOSTIMA I REZULTATIMA RADNOG TIJELA ZA PRIPREMU PRIJEDLOGA JPP PROJEKATA ZA PERIOD 01.01.2021. – 31.12.2021. GODINE

UVOD

Na zahtjev resornog ministarstva, Vlada Zeničko-dobojskog kantona imenovala je objedinjeno Radno tijelo nadležno za pripremu svih prijedloga projekta javno-privatnog partnerstva delegiranih od strane Ministarstva za obrazovanje, nauku kulturu i sport Zeničko-dobojskog kantona, Odluka broj: broj: 02-30-3143/21. od 08.03.2021. godine. Predmetnom odlukom objedinjeno Radno tijelo je zaduženo za praćenje i realizaciju slijedećih prijedloga projekata JPP obuhvaćenih srednjoročnim planom pod rednim brojevima 57. do 66. u Zbirnom pregledu potencijalnih projekata JPP ZDK 2019. - 2021. godina:

- Rb.57. „Projekat unapređenja energijske učinkovitosti u osnovnik školama ZDK – grupa 1“
- Rb. 58. „Dodatni objekat – Aneks postojećem objektu Studentskog centra Zenica – kapaciteta 120-130 kreveta, objekat sa 7 etaža (podzemna garaža i sprtnosti P+5), ukupne površine 1.750 m²,
- Rb. 59. „Izgradnja show-room i trening centra za tehnologije u drvoprerađi i tehnologije za obradu, stakla, kamena i plastike u Kampusu Univerziteta u Zenici,
- Rb. 60. „Energetsko utopljavanje zgrada kampusa Univerziteta u Zenici i to: Metalurško-tehnološkog, Mašinskog i Filozofskog fakulteta, zgrade Rektorata kao i objekata Instituta „Kemal Kapetanović“ kao i izgradnje Toplane kampusa UNZE“
- Rb.61. „Zgrada Medicinskog fakulteta ukupne površine 6.200 m² spratnosti P+4“,
- Rb.62. „Sportsko-rekreativni centar Univerziteta u Zenici (SRC UNZE) u Kampusu Univerziteta sa bazenima u prizemlju, sportskom dvoranom kapaciteta 1.500 sjedećih mjesta te trim kabinetima na katu ukupne površine cca 6.500 m²,
- Rb.63. „Edukativno-profitni centar za zavarivanje, reparaturu, tehnička ispitivanja zavara i strojnu obradu“,
- Rb 64. „Dogradnja amfiteatra Mašinskog fakulteta u Zenici“
- Rb.65. „Projekat unapređenja energijske učinkovitosti u srednjim školama – grupa 1“
- Rb.66. „Projekat unapređenja energijske učinkovitosti u osnovnik školama ZDK – grupa 2“

Napomena: Želimo istaći da zbog nastanka pandemije uzrokovane virusom COVID 19, Katalog za pripremu JPP projekata Vlade ZDK za 2020. godinu nije objavljen, pa je radno tijelo tretiralo projekte objavljene u katalogu za period 2019. – 2021. godina.

Radno tijelo je Odlukom zaduženo za pripreme prijedloga projekta javno-privatnog partnerstva (u daljem tekstu: JPP projekat) u skladu sa članom 18. Zakona o JPP Zeničko-dobojskog kantona (Službene novine ZDK broj 6/16) do okončanja procedura propisanih Zakonom.

Članom 3. Odluke definisani su zadaci radnog tijela, a osnovna svrha je da „planira, priprema, provodi i izvještava o svim aktivnostima neophodnim za pripremu prijedloga JPP projekta, u skladu sa zakonskim okvirom za javno-privatno partnerstvo Zeničko-dobojskog kantona.“

PROVEDENE AKTIVNOSTI

Kao što je navedeno u uvodu u Katalog potencijalnih projekata JPP za period 2019. - 2021. godina objavljenom 22.10.2019. godine delegirani su potencijalni projekti koji se odnose na izgradnju potpuno novih i obnovu postojećih objekata namjenjenih unapređenju uvjeta rada i podizanju nivoa usluge učenicima i studentima kao i nastavnom osoblju a koji su u nadležnosti Ministarstva za obrazovanje, nauku, kulturu i sport Zeničko-dobojskog kantona.

Na objavljeni Katalog, u tretiranom periodu pored tri Potencijalna privatna partnera (u daljem tekstu: PPP) koja su svoj interes za nevedene projekte iskazali u 2020. godini prijavio se još jedan zainteresovani privatni partner i to za projekat Sportsko-rekreativnog centra, od kojeg je, kao što smo ranije naveli, prethodno zainteresirani privatni partner odustao.

Radno tijelo je u skladu sa čl. 18. Zakona o JPP i svojim ovlaštenjima propisanim Zakonom i gore pomenutim Odlukama, započelo pregovaračke postupke sa prijavljenim Potencijalnim privatnim partnerima.

Na prvim sastancima sa prijavljenim Potencijalnim privatnim partnerima, radno tijelo je upoznalo PPP sa osnovama JPP koncepta u Zeničko-dobojskom kantonu. PPP prezentirani su osnovni pojmovi i postupci zakonskog okvira za JPP sa fokusom na proces i zahtjeve vezane za čl. 18. Zakona o JPP (učesće privatnog sektora u pripremi prijedloga JPP projekta). PPP su upoznati o Anexu 3 kao i mogućnosti za njegovu izmjenu ukoliko PPP bude imao neki bolji prijedlog. Dogovoreni su zajednički sastanci svakih petnaest dana. PPP je predloženo da obide predmetne škole kako bi se dobila stvarna slika o poslovima koji će biti predmet ovog projekta. Radno tijelo je pripremilo Dinamički plan rada (Anex 4) i dogovorilo da će se isti redovno ažurirati.

Anexom 4 su planirane sljedeće aktivnosti:

- 1) Priprema i razmatranje projektne dokumentacije i Studije opravdanosti te priprema prijedloga Odluke o opredjeljenosti;
- 2) donošenje Odluke o opredjeljenosti;
- 3) priprema nacrtu Javnog poziva;
- 4) priprema nacrtu Ugovora o JPP;
- 5) evaluacija ponuda;
- 6) donošenje Odluke o izboru privatnog partnera i
- 7) potpisivanje Ugovora o JPP.

U međuvremenu, javni partner je informisao PPP da je okončao procedure kreditnog zaduženja kod Svjetske banke kroz projekat "Energijska efikasnost BiH" za Federaciju BiH za dio univerzitetskih objekata koji su bili obuhvaćeni potencijalnim JPP projektom pod rednim brojem 60. „Energetsko utopljavanje zgrada kampusa Univerziteta u Zenici i to: Metalurško-tehnološkog, Mašinskog i Filozofskog fakulteta, zgrade Rektorata kao i objekata Instituta „Kemal Kapetanović“ a za koje je privatni partner iskazao interes.

Isto se odnosi i na određeni broj osnovnih i srednjih škola koje su se nalazile u grupi 1 i grupi 2 prethodno objavljenog kataloga.

S tim u vezi, Radno tijelo je predmetne objekte, definisane Zaključkom Vlade Zeničko-dobojskog kantona o finasiranju putem kredita Svjetske banke, izuzelo iz pregovaračkog postupka putem JPP mehanizma, dok je preostale objekte koji se nisu našli u žiži interesovanja Potencijalnih privatnih partnera, niti su predmet kreditiranja sredstvima Svjetske banke, delegiralo u katalog potencijalnih JPP projekata za period 2021- 2023. godina pod rb. 40.

S obzirom na nastale okolnosti i imajući u vidu da je proces uspostave JPP partnerstva zbog pandemije izazvane virusom COVID 19 izgubio planiranu dinamiku, javni partner je iskoristio

mogućnost povoljnog kreditnog zaduženja kako bi za dio Univerzitetskih objekata iz Kataloga projekata JPP obezbijedio sredstva za njihovu obnovu i poboljšanje energijske efikasnosti i taj postupak rekonstrukcije (utopljanja) je u toku kao i za većinu osnovnih i srednjih škola koje su obuhvaćene kreditom.

Potencijalnom privatnom partneru je, s obzirom na nove okolnosti, predloženo da se izjasni da li je zainteresovan za preostali dio školskih objekata iz Kataloga projekata JPP i da precizira koji su to objekti.

Predstavnik PPP izjasnio se da je PPP zbog promijenjenih okolnosti ipak zainteresovan za objedinjavanje projekata i naglasio da je zainteresovan za sljedeće potencijalne JPP projekte:

- O.Š. "Rešad Kadić", Tešanj, matična škola Krndija,
- O.Š. Huso Hodžić Tešanj,
- O.Š. "Enver Čolaković" Breza,
- Izgradnja zgrade Medicinskog fakulteta,
- Anex Studentskog centra.

Također, drugi Potencijalni privatni partner, zainteresiran za projekat Sportsko-rekreativnog centra Univerziteta u Zenici je vlastite aktivnosti na ovom projektu reducirao, te je Radno tijelo uputilo dopis kojim se od PPP traži da u roku od 7 dana iskaže svoj dalji interes za predmetni projekat.

Trenutno su u toku aktivnosti vezane za potpis ugovora za izradu Studije opravdanosti za dva potencijalna JPP projekta i to:

- Izgradnja zgrade Medicinskog fakulteta, i
- Anex Studentskog centra.

PREPORUKE RADNOG TIJELA

Imajući u vidu naprijed navedeno, radno tijelo smatra da je potrebno u cilju afirmacije javno-privatnog partnerstva te evidentnog nerazumijevanja principa i odrednica ovog zakonskog rješenja, učiniti sljedeće korake:

- Organizirati javna predavanja od strane resornih ministarstava (privrede i obrzovanja) na temu osnovnih principa JPP u Zeničko-dobojskom kantonu,
- Dodatna promocija kataloga potencijalnih JPP projekata za period 2021-2023. godine Vlade Zeničko-dobojskog kantona, u privrednim komorama kantona i opština ne samo u Zeničko-dobojskom kantonu već i regije,
- Organizacija okruglih stolova sa fokusom na privredna preduzeća koja bi mogli biti potencijalni nosioci JPP projekata,
- Prezentacija atraktivnih projekata u formi idejnih i projektnih rješenja na svim nivoima vlasti,
- Delegirati iste na domaćim i međunarodnim ekonomskim forumima u organizaciji kantonalnih, vladinih ili drugih institucija u kantonu kao i viših nivoa vlasti u BiH,
- Formiranje zasebne web stranice namjenjene za promociju JPP projekata na nivou opština našeg kantona te ustanova koje su delegirale potencijalne JPP projekte.

**Ministarstvo za obrazovanje, nauku, kulturu i sport
Radno tijelo za pripremu JPP projekta
ministar**

Prof. dr. Spahija Kozlić